



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat De Sacramentis, & Censuris

Viva, Domenico

Patavii, 1723

Art. I. Quid, & quotplex sit, & quando institutum Eucharistiae
Sacramentum?

urn:nbn:de:hbz:466:1-40650

mus ejus Essentiam, Unitatem, & Institutionem: Secundo necessitatem, & obligationem illud sumendi: Tertio materiam: Quarto formam: Quinto effectus: Sexto subjectum: Septimo dispositionem ex parte animi requisitam: Octavo dispositionem ex parte corporis: Nono de tempore, loco, & aliis ad Eucharistiam spectantibus: Ultimo de Ministro.

ARTICULUS I.

Quid, & quotuplex sit, & quando institutum Eucharistiae Sacramentum?

- I. Variis nominibus a SS. Patribus hoc Sacramentum appellatur
- II. Variisque figuris in lege veteri fuit adumbratum.
- III. Ex hujus Sacramenti definitione sequitur, quod constituantur ex corpore, & sanguine Christi Domini, ex speciebus Sacramentalibus, atque etiam ex verbis consecratoriis.
- IV. Non tamen ex sumptione, seu usu.
- V. Eucharistia dumtaxat est Sacramentum permanens, quatenus ejus materia proxima permanet phisice, & verba moraliter.
- VI. Non est multiplex hoc Sacramentum, sed unum specie atoma.
- VII. Multiplicitas numerica hujus Sacramenti unde desumatur? Et an a pluribus particulis simul sumptis gratia uberior causetur?
- VIII. Quando, & quomodo Christus hoc Sacramentum instituerit?
- IX. Et quem ad finem?

I. **U**T præstantiam tanti Sacramenti explicarent Patres, & Doctores, innumeris illud nominibus appellarunt: Dicitur enim Primo *Eucharistia græce*, quod latine sonat *Bona gratia*, tum quia continet Christum plenum gratiæ, & veritatis; tum etiam quia in gratiarum actionem consecratur; tum demum quia uberrimam gratiam confert: Se-

cundo dicitur *Sacra Synaxis*, hoc est Collecta societas, quia fideles per hoc Sacramentum, tamquam unius corporis membra cum Christo capite uniuntur. Dicitur *Sacrum Vaticum infirmorum*, quia viam parat ad gloriam, juxta illud Psal. 49. *Sacrificium laudis* (hoc est Eucharistia) honorificabit me, & illic iter, quo ostendam illi salvare Dei: Appellatur *Sacramentum corporis, & sanguinis Domini, Primum, & Sacrosanctum mysterium, Consummatio Sacramentorum, Panis vita, Esca spiritualis, Cœna Domini, Pharmacum immortalitatis, Gloria Dei*, & aliis nominibus apud Suar. part. 3. quæst. 73. art. 4., & *Filiuc.* unde merito nuncupari solet *Sanctissimum, Augustissimum, Venerabile Sacramentum*.

II. Fuit etiam variis figuris in lege veteri adumbratum: Primo per Agnum paschalem, qui Christum, ut hostiam, & ut cibum significabat: Secundo per Panes propositionis, & præsertim per oblationem panis, & vini factam a Melchisedech: Tertio per Sacrificia, expiations, & holocausta illius legis: Quarto per Manna, quod pluit de Cœlo peregrinantibus in deserto, quod omne deletamentum in se habebat: Quinto per Panem Eliæ, qui tantum robur dedit comedenti: Sexto per Panem hordeaceum, qui evertit castra Madian, ut videre est apud eundem Suar. & D. Th. quæst. 73. art. 6.

III. Quæritur nunc primo, quid sit Eucharistia, & in quibus consistat? Respondeo, esse Sacramentum, quod sub speciebus panis, & vini vi consecrationis continet corpus, & sanguini-

guinem Christi Domini ad nutritio-
nem vita spiritualis datae per bapti-
mum. Hac definitio colligitur ex Tri-
dent. sess. 13. cap. 2., & est adaequata
per genus, & differentiam; nam ge-
nus est ratio Sacramenti, quæ est com-
munis omnibus; differentia vero sunt
ea, quæ sequuntur, per quæ a reli-
quis Sacramentis differt.

Ex quibus sequitur primo ex D.
Th., Con., Bonac., Trull., Corpus
Christi Domini constituere Euchari-
stiam. Probatur: hoc Sacramentum
est cibus animæ, non ratione specie-
rum, sed ratione corporis Christi,
ut habetur Joan. 6. *Panis, quem ego
dabo, caro mea est: Caro mea vere est
cibus, &c.*; & ideo Trident. sess. 13.
cap. 5. docet, huic Sacramento de-
bet cultum latræ.

Neque dicas, Corpus Christi signi-
ficari a speciebus: ergo non consti-
tuit hoc Sacramentum: sicut ablution
interna, seu emundatio ab originali,
quæ significatur in baptismō, non con-
stituit baptismum. Nam potest aliquid
significari, & simul constituere Sa-
cramentum, ut dolor in Sacramento
Pœnitentiae, qui significatur a Confes-
sione. Cæterum sicut in aliis Sacra-
mentis datur Sacramentum tantum,
res tantum, & Sacramentum simul,
& res, prout explicavimus quæst. 1.
art. 6. num. 5.: ita in hoc Sacra-
mento species panis dicuntur Sacra-
mentum tantum, quatenus solum signifi-
cant Christum sub iis contentum per
modum cibi, & non significantur;
Gratia dicitur res tantum hujus Sa-
cramenti, quia solum significatur, non
significat; Corpus Christi dicitur res
simil refectionis animæ, & Sacra-
mentum, quia significat gratiam refecti-
vam, & significatur a speciebus.

Sequitur secundo, Eucharistiam con-
stitui etiam a speciebus panis, & vi-
ni. Probatur: quia Sacramentum de-
bet esse signum sensibile; sola autem

species sunt sensibiles in hoc Sacra-
mento: ergo debet constitui etiam a
speciebus. Adde, Corpus Christi con-
tineri in hoc Sacramento ex Trident.;
nihil autem in se ipso continetur: er-
go species sunt Sacramentum, in quo
Christus continetur sensibiliter, & de-
monstrabiliter; atque adeo species
constituant Sacramentum.

Sequitur tertio contra Sot., & Con.
Verba consecratoria esse partem es-
sentialem hujus Sacramenti, & non
merum requisitum, aut causam extrin-
secam. Ratio est, quia quodlibet Sa-
cramentum constat rebus & verbis,
quæ significant effectum spiritualem ab
iis causatum: ergo etiam Eucharistia.
Adde, Eucharistiam in fieri constare
ex verbis consecrationis, ut patet;
(quia non minus verba, quam species
panis, & vini significant Christum Do-
minum, ut cibum nutritivum ani-
ma) ergo etiam in facto esse: nam
eadem sunt constitutiva Sacramenti in
fieri, & in facto esse; aliter non es-
set idem Sacramentum, quod fit, &
quod perseverat.

Neque dicas, transactis verbis per-
severare integrum Sacramentum: er-
go non constituitur verbis in facto
esse. Nam verba perseverant mora-
liter, quoties Sacramentum perseve-
rat; sicut quando confertur absolutio,
perseverat moraliter confessio, quæ
constituit Sacramentum Pœnitentiae;
& consensus unius conjugis sœpe per-
severat tantum moraliter, quando per
adventum alterius consensus constitui-
tur Sacramentum Matrimonii. Dicun-
tur autem moraliter perseverare ver-
ba consecratoria, quatenus adhuc
perseverat eorum significatio, & exi-
gentia corporis Christi sub illis spe-
ciebus ad nutriendam animam; sicut
etiam quatenus illæ causant moraliter
gratiam in suscipiente Eucharistiam.

IV. Sequitur quarto, sumptionem,
seu usum non constituere hoc Sacra-

mentum, ut communiter docent contra Aureol. Probatur; quia ex Trid. peracta consecratione habetur in hoc Sacramento Christus Dominus: ergo ex Trident. ante susceptionem habetur constitutum Sacramentum; atque adeo sumptio est solum requisitum, seu applicatio virtutis activæ, ut hoc Sacramentum gratiam causet: Aliter ante sumptionem non deberet adorari.

Dices: Sacramentum consistit in eo, quod Christus Dominus instituit, & fieri præcepit: atqui non solum instituit, & fieri præcepit consecrationem, sed etiam susceptionem: ergo consistit etiam in susceptione.

Confirmatur, quia Sacramentum est signum sensibile significans practice gratiam ex promissione Christi: atqui non solum consecratio, sed etiam sumptio est hujusmodi: Christus enim Dominus promisit gratiam manducanti: *Qui manducat hunc panem, vivet in aeternum*: ergo sumptio constituit Sacramentum. Quamvis autem ante sumptionem habeatur constitutum Sacramentum, poterit saltem dici, quod sumptio sit pars integralis; sicut est satisfactio in Sacramento Pœnitentiae.

Respondeo, nego majorem: non enim omnia, quæ Christus præcepit fieri relate ad Eucharistiam, sunt partes Sacramenti: Sicut enim in baptismo dixit: *Euntes docete omnes, baptizantes eos*: & tamen doctrina non est pars Sacramenti: ita quamvis dixerit: *Accipite, & manducate*, non per hoc usus Eucharistiae erit pars Sacramenti.

Ad confirmationem nego sumptionem esse signum practicum gratiæ, seu habere vim causativam gratiæ, cum id non habeatur neque ex Scripturis, neque ex Conciliis, neque ex Patribus. Verum quidem est, quod posita sumptione causetur gratia, sed falsum est, quod vis causativa gratiæ sit in ipsa sumptione: hæc

enim solum est applicatio virtutis activæ, quæ est in ipso Sacramento. Quare quando dicitur, *Qui manducat meam carnem habet vitam aeternam*, ly manducare ponitur ut conditio, non ut vis vivificandis; sicut cum dicitur, Qui accedit ad ignem, calcit, accessus ponitur ut conditio, non ut vis calcinativa, quæ est in solo igne: Neque potest dici, quod manducatio sit solum pars integralis; Primo, quia in hac re nihil affirmandum sine autoritate; cum totum pendeat unice ab Institutione Christi Domini, quæ nobis solum per Scripturas, Concilia, & sensum Ecclesiæ innotescit: Secundo, quia si esset pars Sacramenti, esset pars essentialis, & non integralis; Siquidem essentialiter requiritur manducatio, ut Eucharistia causet gratiam; Contra vero, ut causetur gratia in Sacramento Pœnitentiae, non requiritur satisfactio; & ideo satisfactio potest esse pars tantum integralis, non essentialis.

V. Sequitur ultimo, distingui hoc Sacramentum a reliquis, non solum quia habet constitutiva, & effectus diversos, sed etiam quia materia proxima hujus Sacramenti est quid permanens; sicut etiam ipsa forma permanet moraliter, quoque permanet Christi corpus sub speciebus ab ipsa forma causatum: non secus ac moraliter permanet electio Pontificis, verbi gratia, vivente Pontifice: Et ideo dicitur esse Sacramentum permanens, quia ante usum est perfectum; reliqua vero Sacraenta consistunt in solo usu, & solum dum fiunt, recipiuntur: Præterea materia reliquorum Sacramentorum est solum quid sensibile; hujus vero Sacramenti materia est, præter species panis sensibiles, etiam corpus Christi Domini, quod per species panis fit demonstrabile, dicendo, Hoc est corpus Christi.

VI. Quæ-

VI. Quæritur secundo, Utrum hoc Sacramentum debeat dici unum, an multiplex specie?

Respondeo, debere dici unum specie atoma, seu intima; nam licet panis, & vinum specie differant; quia tamen in hoc Sacramento utrumque ordinatur ad eundem finem specificum, videlicet ad refectionem animæ per modum convivii, quod ex pane, & vino integratur, ideo est unum specie: Non fecus ac Sacramentum Ordinis dicitur unum, quamvis a Subdiaconatu, Diaconatu, Presbyteratu integretur; quia omnia ad eundem finem ordinantur. Illud tamen est discrimen inter Sacramentum Ordinis, & Eucharistie, quod qui recipit, verbi gratia, diaconatum, non recipit gratiam illam, quæ est propria Presbyteratus: Contra vero qui solas species panis manducat, eandem specie gratiam recipit, ac qui manducat simul, & bibit, etiam si verum esset, quod majorem extensive gratiam recipiat, qui sub utraque specie communicat; sicuti eandem specie gratiam recipit qui semel communicat, ac qui bis, quamvis majorem extensive gratiam recipiat, qui communicat bis: Nam per species solius panis solum representatio convivii est partialis, & inadæquata; gratia tamen refectionis ex institutione Christi Domini est omnino ejusdem rationis, quæ confertur a solis speciebus panis & quæ a solis speciebus vini, & consequenter quæ ab utrisque: Quicquid sit, utrum gratia Sacramentalis, seu auxilia, quæ conferuntur manducantibus hostiam, differant a gratia Sacramentali, seu ab auxiliis, quæ conferuntur bibentibus calicem, juxta illud Psal. 103. *Vinum laxificat cor hominis, & panis cor hominis confirmat;* Quod Scholastici discutunt, & nos in Cursu Theologico disp. 4. qu. 8. de Eucharistia agentes partem affirmantem probabiliter

sustinuimus: & in calce articuli quinti hujus questionis fuisus id prosequemur.

VII. Quæritur tertio, Undeniam consumatur multiplicitas numerica hujus Sacramenti?

Respondeo, desumi a multiplicitate specierum, non physica, sed moralis; Quare plures hostiae in eadem pyxide dicuntur esse unum Sacramentum; & sacerdos, qui sumit in missa hostiam in tres partes divisam, non dicitur sumere tria Sacraenta, sed unum; quia illæ tres partes, licet sint physice divisæ, sunt tamen moraliter unus, eo quod faciunt unum cibum; & e converso, si eadem hostia divisa in tres partes a tribus manducetur, dicuntur esse tria Sacraenta, quia per triplicem illam manducationem fit moraliter triplex, hoc est triplex cibus. Ex quo sequitur, quod non majorem gratiam recipiat, qui recipit simul plures particulas, quam qui unam tantum; nam moraliter est unus cibus, tam si una, quam si centum particulae simul sumantur; Quamvis per hoc, quod Christus Dominus magis sit in stomacho illius, qui recipit plures particulas, possit majorem successive gratiam causare ex opere operato, si vera est illa opinio Suar. disp. 63. sect. 4. & 5. Con. quest. 79. ar. 1. dub. 2. & Bonac. disp. 4. quest. 4. punct. 2. quod Christus Dominus in stomacho existens tamdia gratiam causet ex opere operato, quandiu ad illam se disponit per actus meritorios, qui communicavit. Sicut autem non recipit majorem gratiam, qui plures particulas simul sumit, vel majorem hostiam; ita juxta sententiam D. Th. quest. 80. art. 12. ad 3. contra Palauum, Vasq. Lugo disp. 12. sect. 3. & alios, nec majorem gratiam sumit, qui sub utraque specie communicat, ac qui sub una tantum; quia uterque

unum Sacramentum recipit per hoc,
quod semel reficiatur.

Illud tamen est discrimen inter duas
particulas simul sumptas, & inter spe-
cies panis, & vini sumptas in eadem
Missâ; quod duæ illæ particulae dicun-
tur ita esse unum Sacramentum, ut
non dicantur esse duo Sacra-
menta partialia. Contra vero species panis,
& vini in eadem missâ sumptæ dicun-
tur esse unum Sacramentum compo-
situm ex duobus Sacramentis parti-
bus; quia cum diversimode signifi-
cant refectionem spiritualem species
panis, & species vini, (illæ scilicet
per modum cibi, istæ per modum
potus) ideo habent non solum di-
stinctionem physicam, sicut habent
duæ particulae, sed etiam quandam
diversitatem moralem, qua possint
dici duo Sacra-
menta non quidem tor-
talia, (cum per modum unius suman-
tur, ac in eodem convivio) sed par-
tialia.

Sequitur demum ex dictis, quod
qui sub una tantum specie communi-
cat, integrum sumit refectionem,
quamvis non integre representatam:
& in hoc sensu dici potest, quod non
sumat integrum Sacramentum, quatenus
non sumit species omnes hoc Sa-
cramentum integrantes, quæ repræ-
sentant refectionem animæ per mo-
dum Convivii, quod ex cibo; & po-
tu integratur; esto integrum sacra-
mentum sumat relate ad refectionem
animæ, seu gratiam ab hoc Sacra-
mento causatam.

VIII. Quæritur quarto, quando, &
quomodo fuerit Eucharistia instituta?

Respondeo, de fide esse, quod in-
stituta fuerit a Christo Domino, in
qua nocte tradebatur, hoc est deci-
ma quarta die Lunæ vicinioris æqui-
noctio verno die Jovis, quando jux-
ta legem Moysis comedendus erat ag-
nus paschalis. Tunc enim, ut notat
Henr. lib. 8. cap. 58., & sive Con.

disp. 74. art. 4. post cœnam legalem
agni (ut figura præmitteretur verita-
ti) lavit pedes discipulorum, & ce-
nantiibus illis, (hoc est Apostolis, ut
habet Scriptura, videlicet cœna u-
suali, & communis, in qua intinxit
Judas manum in paropside cum Chri-
sto) instituit hoc Sacramentum, &
Sacrificium in cruentum, celebrando
primam missam cum duodecim Apo-
stolis, etiam cum Juda proditore,
quos omnes sua manu communicavit.
Unde clare colligitur, Christum Do-
minum celebrasse in azymo, ut tenet
Ecclesia latina, non in fermentato,
ut tenet Ecclesia græca; quia cum in-
stituerit hoc Sacramentum prima die
Azymorum, quando scilicet vetitum
erat comedere fermentatum, & cum
panem usuali consecraverit, sequit-
ur, quod non nisi azymuni consecra-
vit; Altera deberet dici Christus pre-
varicator relate ad illam legem, si
fermentato usus fuisset. Ex quibus fe-
quitur, ut advertit Beccanus ex Mal-
donato, quod primo fuerit cœna le-
galis, secundo cœna communis, ter-
tio lotio pedum, quarto cœna eu-
charistica, quinto discessio Judæ, sex-
to concilio Domini; quamvis Suar.
disp. 41. velit, quod cœna communis
fuerit post Eucharistiam.

IX. Quæritur quinto, ad quem fi-
niem Christus Dominus hoc Sa-
cramentum instituerit.

Respondeo, primum finem fuisse, ut
passionis recordaremur; dixit enim:
Hoc facite in meam commemorationem.
Secundo, ut suam corporalem præ-
sentiam nobis relinqueret, juxta illud,
*Ecce ego vobis sum omnibus die-
bus usque ad consummationem seculi:*
Tertio propter realem, & moralem
unionem membrorum cum suo capite,
& inter se, hoc est fidelium
cum Christo, & inter se ipsos: Rea-
lis unio explicatur per realem pro-
pinquitatem, & contactum inter cor-
pus

pus nostrum, & Christi mediis speciebus; Moralis, seu affectiva unio per vinculum charitatis, quo & cum Christo conjungimur, & inter nos propter Christum; juxta illud Apost. *Unum corpus sumus, quia de uno pane, & de uno calice participamus:* Ad hanc autem unionem significandam apte elegit pro materia consecrationis remota panem, qui fit ex pluribus granis, & vinum, quod ex pluribus uvis simul unitis.

ARTICULUS II.

De necessitate Eucharistiae, & obligatione illam sumendi.

- I. *Eucharistia sumptio non est necessaria necessitate medii ad Salutem.*
- II. *Neque ad perseverandum in gratia.*
- III. *Etiam adultri obligantur praeceptio divino sumendi, Baptismo prius suscepto, Eucharistiam.*
- IV. *Præceptum divinum procul dubio obligat ad sumendam Eucharistiam in mortis articulo.*
- V. *Quid si quis mane communicarit, & vespere incidat in articulum mortis?*
- VI. *Num possit Ecclesia privare reum aliquem Sacro Viatico ad alios perterrefaciendos?*
- VII. *Sapius etiam in vita ex divino præcepto tenemur Eucharistiam sumere.*
- VIII. *Præceptum Ecclesiasticum quos, & pro quanto obliget ad communionem?*
- IX. *Pueris, & amentibus ab infantia ne in articulo quidem mortis Eucharistia administratur. Quid de pueris post usum rationis, ac de semifatis?*
- X. *Impediti ne tempore Paschali communicent, ad quid teneantur,*

I. **D**Uplex, ut diximus, cum de Sacramentis in genere, dari potest necessitas in re praesenti, altera medii, altera præcepti: Vendum nunc, An Eucharistia sit necessaria necessitate medii? Et pro quando sit necessaria necessitate præcepti divini, pro quando Ecclesiastici? Certum enim est apud omnes, non solum Ecclesiam obligare fideles ad communionem paschalem, sed etiam independenter a præcepto Ecclesiastico dari præceptum divinum de communione sumenda; cum Christus Dominus post institutionem Sacramenti dixerit Luca 22. *Hoc facite in meam commemorationem.* & Joan. 6. *Nisi manducaveritis carnem filii hominis, non habebitis vitam in vobis.*

Quaritur itaque primo, An Eucharistia sit necessaria necessitate medii ad salutem?

Respondeo cum communi apud Amic. negative: Illud enim Sacramentum dicitur necessarium necessitate medii, quod non ratione obligationis per præceptum inductæ, sed ex natura sua, posita institutione Christi Domini, connexionem habet cum salute, atque adeo sine quo etiam invincibiliter ignorato finis obtineri non potest; sed Eucharistia non est hujusmodi: nam parvuli etiam sine Eucharistia post baptismum salvantur, ut definit Trident. fesi. 22. can. 4 ubi habet: *Si quis dixerit, parvulis, antequam ad annos discretionis pervenerint, necessariam esse Eucharistiam, anathema sit.*

Confirmatur, quia Eucharistia non potest esse necessaria, nisi illis, qui possunt illam manducare spiritualiter, videlicet per actus fidei, charitatis, pœnitentiarum, &c.; sed parvuli non possunt sic illam manducare spiritualiter; ergo illis nullatenus est necessaria. Neque est necessaria adultis necessitate medii in re suscepcta. Nam propter eandem rationem deberet esse neces-

la-